

Swartz rôt vnd weiz.

Ain . . gleich man mit vleiz.

25 Merc. wie im wær ze mût.

Do . r von ern vñ von gût.

MÛste also schaidn.

Vñ . . lazñ den haidn.

8 Den prudern niht gewesn 447^b

Si hetn sich ê lazñ tóten.

Vnd in ir plûte róten.

Ê si von den haidn.

5 Wærñ geschaidn.

In sogetanen mazn.

Daz si in heten lazñ.

So gar vmbehÛt.

Ir ere vnd ir gût.

10 Sev lust baz zesterbn.

Der Soldan begund werbn

Daz man die prudér alle vieng.

So daz man ze sturm gieng.

An ir vest chlovs.

15 Ez warn newer drev hovs.

Dev si den haidn heten vor.

An dev selbn tór.

Hiez sturm der Soldam.

Die haidn trûgñ hin an.

20 Tætschn vnd ander laiter hoh. 448^a

Do dev haidnschaft zoh.

Hin an durch stvrms willen.

Do liezn sich niht pevillen.

Die des woldn geniezn.

25 Daz si die hõhmaister hiezn.

Daz ist ir oberister nam.

Die geputē bei der gehõrsam.

Den prudern ze vliehen.